

古
新
史
畧
圖
說



3 1760 8727 2

山東兗州府天主堂活版

耶穌降生後一千九百二十年

第二次重印

耶穌降生一千九百二十年

權理

澳門主教職務高准

廣東嶺南道香山縣等處撒肋爵會士著

Nihil obstat

P. Aloysius Versiglia C.S.
Superior.

Imprimi permittitur

P. J. da Costa Nunes
Vicarius Capitularis

Macaj, 23. Octobris 1919.

緣起

我等奉教人。讀過聖教要理問答第一節曰。你爲什麼進教。爲恭敬天主。救自己的靈魂。誠哉是言也。然而救靈之道。亦奧且博矣。雖上知莫敢量其廣深。亦淺且近矣。雖下愚均能得其要領。聖教書藉最富。開卷有益。文義深淺。各擅所長。備願各人按己天資。地位以研讀。誠欲聖教會內。無論天資知愚。地位貧富。同爲有學之人。而恒

務救靈之工也。是書倣照山東兗州天主
堂所著。古新二經大畧圖式。每圖下加最
簡數語。畧爲說明。顏曰古新史畧圖說。專
爲初學。及老年愚蒙。暨作工無多暇時者
而設。俾讀者按圖尋字。稍知事實。通曉大
概。而不致厭繁。冀爲救靈之道之小補焉
耳。

撒肋爵會士謹識

古


史

共
三
十
四
圖

天主造物地天



天主於六日之內。不用
才料工作。命令而有天
地萬物。以顯天主全能
也。定第七日爲安息聖
日。使世人守之。以獲神
形之益。



天主罰原罪並預許救世者




天主造原祖亞當。祖母厄娃。夫妻二人。在地堂享福。雖禽獸亦悅服之。惟二人背主命。食禁果。原罪生焉。天主罰之。逐出地堂。以受世苦。並預許救世主降生救贖。又命天神。與自舞之劍。守地堂門。不准人復入。

伯爾亞弟其殺音加



維時亞當有二子。兄名加音。弟名亞伯爾。兄具五穀。弟具羔羊。各自祭獻。天主見其弟善而兄惡。故悅其弟之祭而不悅其兄。加音露愁容。天主誥以改惡從善。惟彼不聽。乃偕亞伯爾至野而殺之。天主罪加音。四方奔走。無日安寧。

洪 水 滅 世 諾 厄 駕 大 舟



創世後。千六百年間。人類衆多。惟皆作惡。天主以洪水滅之。祇有義人諾厄。聽天主命。預作一大舟。避水。內分三層。全家八口。兼選禽獸匹耦。領入其舟。過七日。源泉湧於地。天開隙。大雨四十日夜。浸過最高山頂。丈五尺。所有世人。及地上動物。皆被浸死。惟此大舟浮於上。在其內者皆生存。

諾厄離舟祭獻天主



洪水盡退。天主命諾
厄率其妻與三子三
媳。及禽獸等。離舟登
陸。諾厄建祭臺。宰淨
牲。祭獻天主。天主現
長虹以立約。降福諾
厄。並其子孫。

人修巴伯爾塔後敬邪神



人類蕃盛。言語相同。共居一方。合謀建一頂天立地高塔。意在後人美其聲名。天主惡其任性妄爲。使各分音。令其言語不通。不能成塔。由是分散普世而居。嗣後人多犯罪。妄敬假神。

亞巴郎打勝仗默基塞德獻餅酒



天主特簡亞巴郎爲
傳開眞教之聖祖。一
日亞巴郎破敵而回。
日露撒冷王默基斯
德。即天主之司祭。出
而迎。獻餅酒。降福以
祝之。瑣多瑪王亦迎
焉。

火燒瑣多瑪與臥莫辣兩城



兩城之人。罪大惡極。
天主降火滅之。預令
天神。報該處無罪之
羅德。與其妻及二女。
先期出走。惟其妻出
城後。遲行回顧。身變
鹽柱。蓋罰其不遵聖
言也。

天主試探亞巴郎聽命



天主命亞巴郎殺其子
依撒格。以爲祭品。亞巴
郎聽命無疑。領其子。登
高山。設祭臺。縛將殺之。
天神降阻曰。天主鑒爾
信矣。勿殺爾子。亞巴郎
舉目。見山羊。角荆棘。乃
殺羊以代子焉。

若瑟被其兄等所賣



聖祖雅各伯有愛子若瑟。爲其兄等所忌。集議欲殺之。首兄不忍。設法藏諸井中。志在靜中救出。以還其父也。嗣值首兄他往。諸兄復暗地賣之於厄日多國商人。

若瑟榮登相位



若瑟雖被賣於厄日
多國。恒見愛於天主。
凡事順遂。不幸被誣
入獄。乃因禍得福。爲
國王所倚重。命居相
位而秉國政。乘二等
御車。遊行街道。以顯
其榮耀於衆焉。

叙重國多日厄在等弟兄與瑟若



若瑟爲相。歲飢饉。其兄弟尙有十一人。全父住迦南。乏食。父命衆子。往厄日多糴糧。而不知理糧宰相。卽若瑟也。若瑟恐嚇以試之。見若輩已改前非。乃露己名。設宴團叙。後又迎其父雅各伯。至厄日多居住焉。

多日厄於卒伯各雅祖聖



雅名伯臨終。集其子孫。
隨次降福。各有所祝。言
皆應驗。此爲義撒爾十
二支派之始也。

其祝茹德曰。爾父之子。
統屬與爾權下。以待萬
民所仰望者來臨。蓋預
言救世主。降生於茹德
支派也。

公主任在河濱拯救嬰孩梅瑟



雅各伯後裔。住厄日多。甚蕃衍。被虐王專制。命該族生男則投諸河。梅瑟生。伊母家藏三月。不敢復藏。以筐置之於河濱。遇王女臨蒞。呼婢啟筐。見孩子。子之姊。望而來。計託代爲請乳養。豈知乳母即梅瑟嫡母也。子漸長。王女視爲己子。實由天主聖意特拯之。

天主命梅瑟領衆出厄日多



梅瑟長大。才德
兼人。熱心愛主。
愛羣。天主在侯
肋伯山。授以特
權。命領雅各伯
後裔。出離厄日
多。

義撒爾人食巴斯卦羔羊



雅各伯。又名義撒爾。故時人稱其後裔爲義撒爾人。

巴斯卦譯言(過去)

天主諭梅瑟傳命。每家預選一羔羊。留至首月十四晚。宰炙同食。兼食苦菜麵餅。羊血塗門框。天神認而過去。否則入室擊其人。夜半。厄日多。各家長子果盡死。哭聲震地。虐王懼。漏夜釋放義撒爾人走。此爲古教巴斯卦大瞻禮也。

義撒爾人過紅海



義撒爾人出走後。有雲火柱引路。厄日多軍尾追之。至紅海濱。天主命梅瑟持杖指海。海乾如地。水分立如壁。義撒爾人履行登岸。厄日多軍亦追入海。水合湧。淹死其全軍。

義撒爾人走曠野天主顯聖蹟




義撒爾人在曠
野。乏糧。乏水。民
恐甚。天主命梅
瑟擊石。湧泉飲
之。每天降馬納
爲糧。又命飛來
鵝鶉。以爲肉食。

天 主 十 誡



義撒爾人離厄日多
後。第五十日。到西乃
山。帳幕居於野。天主
在山上。親授十誡於
梅瑟。並授教律。令教
衆人守之。是時。雷電
交作。角聲大鳴。烟雲
滿山。義撒爾人懼。敬
畏天主。聽梅瑟命。

初 立 聖 所



天主命梅瑟造
一聖所。以爲祭
獻之用。該聖所
係隨時可以移
動者。尺寸形式。
悉照天主在西
乃山所命以成。

梅瑟舉銅蛇於野



義撒爾人走曠野。至四十年。信德衰落。抱怨天主與梅瑟。天主命蛇咬斃多人。衆始懼悔。天主又命梅瑟豎銅蛇。使受傷者望之即愈。

義撒爾人進福地



梅瑟卒。天主選若蘇愛統衆。進迦南。遇守巴斯卦。瞻禮。食五穀。瑪紉從此不復降。葉理閣人閉城門。天主諭若蘇愛曰。每日巡城轉一次。七司祭吹號角。民衆列隊大聲呼隨。抬結約櫃。如此巡六日。至第七日。巡七次。果然號角响。民聲發。城基自崩倒。遂入城。後又戰勝諸處。各異族。得迦南福地。以居十二支派焉。

賴天主達味石子勝大敵



達味年尙幼。已被天主
選定爲國王。時未登位。
值敵軍犯境。有偉大勇
士葛利亞。盛甲持槍。出
陣咒罵。義撒爾人驚惶
四十日。莫敢與戰者。達
味以繩揮石子。中葛利
亞額而倒之。飛步拔彼
刀斬首。敵軍大敗。

達味賢王愛天主在萬有之上



達味年三十。登極爲王。
熱心事主。征平諸敵。乃
闢小堂於日露撒冷之
西宛山。堂成。達味持琴
彈。領衆司祭。奉結約櫃。
歌頌作樂。進堂以恭敬
天主焉。

撒落滿求天主判案明白



達味崩。撒落滿繼父爲王。求天主。賞賜明智。天主悅其求。有兩婦。携生死二孩。訟於王。王呼役。持刀分生孩。跪王左者。諾。以非己子也。右者請勿殺。生送與彼也。因是己子而憫之。王判生孩歸右婦。

撒落滿建大聖堂並祝聖



撒落滿。按照天主聖
意。建大聖堂。華麗宏
偉。堅固逾常。司祭等
抬結約櫃。進至聖所。
彩雲蓋之。主見雲內。
民在外祈禱。撒落滿
跪臺前。祈禱感謝畢。
從天降火焚祭品。

厄利亞祭獻得甘霖



時有厄利亞。爲先知。義撒爾王亞加伯暴虐。建廟誘民敬邪神。天旱三年有半。邪教僞先知。四百五十人。祈雨無效。惟厄利亞祭獻天主。祈禱畢。天火焚祭品。大降甘霖。虐王親觀之。命殺僞先知。

去天朝亞利厄取主天



天主命厄利亞。祝聖厄
利叟繼其任。師徒偕至
若而當河間。厄利亞捲
己表衣擊水。水分立。行
河底登岸。在路上。有天
神。以火車火馬。載厄利
亞朝天去。厄利叟呆立
目送。大呼吾師。祇獲厄
利亞擲下表衣以還。

若 納 先 知



天主命若納往
尼尼爲城。勸人
補贖。若納私意
他往。舟中忽遇
大風波。若納認
罪。請衆人投己
於海。巨魚吞之。
越三日夜。魚吐
若納於岸。

天 神 引 少 多 比 亞 行 路



義人老多比亞。行多善。雖因哀矜致家貧。依然行善而無倦。有燕子。下糞瞽其目。忍耐無怨。訓子有方。一日。着其子少多比亞。遠行收賬。天神引之行。犬隨之。河濱獲魚。取其胆。回家醫父目而愈之。

亡滅國亞德茹



茹德亞人犯罪日多。不顧先知警訓。被巴比隆大軍。毀京城。與聖殿。擄王及人民。有葉肋米亞先知。坐荒城內。與最少數不被擄者。痛苦哀號。預言以慰之。

火 窰 不 燒 熱 心 人



被擄在巴比隆之茹德亞人。內有三童子。守誠不拜邪神。國王怒。命壯士。投三童於火窰以焚。火烈七倍。炙死壯士於窰外。王驚視。游火無傷者。有四童。奇而呼之。童等安然出。其增一童者。天神顯護也。

獅 子 不 害 先 知



達尼爾先知。在巴
比隆城。大破邪教
詭術。復殺神龍。國
人求王置達尼爾
死地。王從之。衆投
諸獅圈。天神携哈
亞古。入圈與之飯。
越七日。羣獅不之
傷。

瑪架伯兄弟七人



徐利亞國惡王。迫被
擄人背教。有七子及
母。守道不變。王創諸
子烹油鼎。已斃其六
人。無稍退怯者。王訝
甚。誘其第七子曰。爾
背教。錫爾大富貴。彼
不爲之動。復喚母以
勸。母慰子。追隨兄等。
王益怒。倍刑烹之。母
亦同致命。

新史

共四十八圖

天神報若翰誕生



司祭匝加理入聖殿。奉香祭禮。天神報曰。汝妻依撒伯爾將生子。名若翰。爲主作前驅。匝加理不信。謂己與妻皆老邁也。天神曰。予乃嘉卑厄爾。奉遣誥汝者。汝不信。致口啞。果待若翰誕生。定名後。伊方解舌啟言。

報 領 母 聖



達味之裔。有貞女。名瑪利亞者。天神嘉卑厄爾。奉天主命。降至其前。而祝曰。申爾福。滿被聖寵者。主與爾偕焉。爾將生子。名耶穌。蓋因聖神受孕。天主特選爾爲母也。瑪利亞曰。主之婢女在茲。希惟致成於我。如汝之言。

爾伯撒依婦聖見往母聖



聖母自孕耶

穌。又知表姊

依撒伯爾孕

若翰。即往山

中一邑。進厠

加理室。見伊

表姊。一全讚

美天主。

耶 穌 聖 誕



時維夜半。耶穌誕於
白冷城外馬槽中。野
有羣牧童。守夜護羊。
異光環照之。牧童驚。
天神謂之曰。勿驚。予
誥爾喜報。使衆民大
喜。救世主爲爾降生
於白冷。布裹孩兒於
馬槽者是也。牧童往。
果遇瑪利亞若瑟。偕
耶穌聖嬰在此。乃榮
讚天主而歸。

雙親獻耶穌於主堂



聖誕後四十日。渠父母遵古教例。恭抱耶穌聖嬰。往日露撒冷。入殿獻於主。又遵例。備白鴿一雙。以贖。西默盎接祝之。又有八十四歲節婦亞納。同時忽來。讚美天主。

三 王 來 朝



有博學三賢君。自
東方。觀異星。認跡
遠來。尋至一室。異
星懸其上。賢君喜
而入。朝拜耶穌聖
嬰。致誠致敬。獻黃
金。乳香。沒藥。三禮。

耶 穌 聖 嬰 避 難



惡王黑落德。謀害耶穌。
天神報若瑟。漏夜携耶
穌聖嬰。與其母。逃往厄
日多。逃後。惡王恨怒甚。
命殺白冷四境內。兩歲
以下之孩子。惟耶穌避
居厄日多。待惡王既死。
天神再報。再回本國。

耶 穌 二 十 齡 講 道



耶 穌 年 十 二。 隨 其 父
母。 往 日 露 撒 冷 聖 殿
瞻 禮。 禮 日 既 滿。 渠 等
返。 途 行 竟 日。 而 不 覺
耶 穌 獨 留 聖 殿。 與 耆
博 之 士 講 道 也。 若 瑟
偕 聖 母。 忙 訪 三 日。 方
得 遇 於 殿。 而 同 歸。

耶 穌 受 洗



耶 穌 謙 恭 守 規。
自 卑 若 常 人。特
就 若 爾 當 河。受
洗 於 若 翰。維 時。
聖 神 借 白 鴿 形。
降 臨 其 上。自 天
有 聲 云。此 我 愛
子。予 甚 樂 之 也。

耶穌赴筵婚初行聖跡



加納人。有設婚筵者。
聖母並在此。耶穌與
門弟。亦見請。
席間乏酒。聖母謂耶
穌曰。酒盡矣。耶穌命
僕。注水六缸。變水爲
酒。初行聖跡。亦聖母
之轉求也。

耶 穌 逐 買 賣 人 出 殿



耶 穌 與 宗 徒 入 殿。
見 賣 牲 口 及 兌 錢
者。耶 穌 執 繩 驅 之
出。反 兌 錢 者 櫃。及
賣 鴿 者 座。責 曰。我
父 聖 殿。爲 祈 禱 處。
爾 曹 以 爲 賊 巢 也。

耶 穌 講 道 驅 魔 愈 多 病



耶 穌 講 道 於
聖 殿。 有 附 魔
人。 發 狂 大 喊。
耶 穌 叱 之。 魔
即 離 人。 又 有
衆 病 者 在。 耶
穌 俱 手 按 而
愈 之。

捕魚奇跡



耶穌坐伯多祿艇。向岸講道訓衆畢。命往水深處捕魚。下網。魚甚衆。再招他艇助。魚滿兩艇。致幾沉。伯多祿觀奇而懼。拜耶穌曰。請離我矣。我大罪人也。雅各伯與若望亦訝甚。耶穌謂伯多祿曰。汝將捕人。若捕魚然。

耶 穌 登 山 訓 衆 以 八 福



一 神貧者福。天國是其國。
二 良善者福。爲將得安土。
三 涕泣者福。爲其將受慰。
四 慕義如飢渴者福。爲其
將得飽。哀憐者福。爲將
獲哀憐。心淨者福。爲將
覲天主。和睦者福。稱天
主之子。爲義遭難者福。
八 天國是其國。

納翁城耶穌命寡婦子復活



耶穌偕宗徒。行至納翁城門間。遇抬死屍出。死者乃孀婦獨子也。送殯者衆。耶穌憫之。親手撫柩曰。童子。我命爾起。子遂活。以還其母。衆皆敬畏。盛讚天主曰。大先知興起於我等中矣。

傳聖足耶穌大赦一婦罪



法利叟中有一人。請耶穌偕宴。適有婦。乃城中素犯罪者。忽聞耶穌在。即携白石。載香油而至。痛哭已罪。淚淋耶穌足。拭以髮。親以口。傅足以香油。耶穌曰。致汝獲救者。汝之信德也。赦其罪而遣之歸。

耶 穌 喻 講 天 國



耶 穌 見 人 聚。遂
登 舟。稍 離 岸。坐
而 訓 衆。多 設 譬
喻。以 論 天 國。蓋
勸 人 信 賴 天 主。
立 善 功 而 邀 永
福。脫 罪 過 而 免
永 苦 也。

耶 穌 渡 海 止 風 浪



耶 穌 偕 宗 徒 渡 海。
已 臥 於 舟 風 浪 大
作。徒 醒 之 曰。主 乎
我 等 亡 矣。請 救 我
等。耶 穌 曰。弱 信 者。
何 爲 懼。乃 起。命 風
教 海。遂 大 平 息。衆
皆 欽 駭。

會 長 家 耶 穌 命 其 死 幼 女 復 活



有會堂長兮祿。前來跪求
耶穌。曰幼女病將死。請親
臨。手按而生之。及至家。女
已死。耶穌曰。乃寢耳。人皆
笑之。遂携女之父母。並伯
多祿。雅各伯。若望。共入室。
耶穌執死女之手。命曰起。
女即立。且行且食。人衆驚
奇甚。

若翰被押致命




王黑落德娶其弟之妻黑落提。若翰理諫被鎚囚。欲殺而不敢。懼民以若翰爲先知也。遇王慶壽筵。黑羅提有少女。筵前跳舞。致王悅。王矢誓許賞其所求。女爲母所教。遂求若翰首。王憂悔。惜其背理不背誓。遣役獄中斬苦翰。盤載其首以賜女。

耶 穌 祝 五 餅 二 魚 餉 五 千 人



耶 穌 往 曠 野。人 衆 步
隨 之。講 道 及 愈 病。日
將 夕。衆 不 退。耶 穌 祝
聖 五 餅 二 魚。擘 而 餉
之。任 衆 隨 意 食。均 飽。
食 餘 之 碎。滿 十 二 籃。
食 者 之 數。婦 幼 外。不
下 五 千 人。

耶 穌 授 鑰 伯 多 祿 爲 立 聖 教 會 基 首



伯多祿。明認耶穌爲基
利斯督。永生天主子。耶
穌曰。汝福哉。此乃在天
吾父示汝也。汝稱爲石。
我在茲石上。建我聖教
會。陰府門之權。莫之勝。
予授汝以天國鑰。凡汝
在地所縛者。在天亦縛
之。凡汝在地所釋者。在
天亦釋焉。

耶 穌 顯 聖 容



耶穌偕伯多祿雅各伯若望三徒登高山變聖容面光如日衣白如雪身在空中古聖梅瑟厄利亞與語伯多祿見而喜欲搆三居以住之言未畢彩雲中有聖父之聲三徒俯伏懼耶穌下慰之

論愛德借喻撒瑪里人



有被劫受傷者臥於途。本國司祭副祭等。俱過而弗恤。值撒瑪里外國人後過。憐之。裹其傷。油酒以藥之。以己馬乘進旅館。出資醫之。耶穌言此。教吾儕當仿後過者。以愛人也。

浪子悔改回家靠父



耶穌設喻訓人曰。富人有二子。次子促父分給家產。後自遠游。浪蕩化盡。餬口不能。猛醒痛悔。歸懇己父赦罪。父憐子。迎抱親以口。換錦衣。履於足。穿鉅於其手。宰牛共宴。長子自田歸。愠怒不欲入。謂己常事。父未獲如此賞。父出勸曰。汝弟失而復得。若死復生。故宴樂。天主使神。欣樂世人。悔改亦然。

富以奢受罰以貧忍昇天



有富人。艷衣華筵。日事
世福。丐子拉匝祿。身滿
瘡瘍。犬來舐之。欲求富
人。筵下遺碎充飢而不
得。丐子死。天神扶置聖
祖亞巴郎之懷。富人亦
死。墮地獄而受永殃。耶
穌喻此。勸人忍暫苦而
求永慰也。

耶 穌 降 福 衆 孩



有衆人。携多孩。求耶
穌。手撫之。弟子阻勿
進。耶穌曰。容孩就我。
因天國爲如此者所
有。凡不納天國如孩
者。不得進之也。遂抱
孩。手按其上。而降之
福。

顯全能耶蘇呼活墓中拉匝祿



耶蘇之友拉匝祿病
死。葬已四日。兩妹迎
耶蘇。哭訴衷情。全往
墓所。耶蘇命啟墓。呼
納匝祿而甦之。人見
耶蘇所行。多有信之
者。大司祭等聞訊。忌
之。決計要殺耶蘇。

耶蘇進日露撒冷京城



師徒往日露撒冷途間。耶蘇命二徒。至前村牽驢。徒置表衣驢上。扶耶蘇乘之。隨行者甚衆。或鋪衣於地。或執樹枝。頌曰。天主賜榮福於達味子。因主名而來者。爲讚美。在天榮福哉。

設 譬 論 智 愚



耶穌曰。童女十人。携燈
出迎新郎筵宴。而未知
新郎何時臨也。女有五
智者。備油專候。五愚者
寢無備焉。新郎忽至。
五智者明燈迎迓。隨
進筵所。門閉。五愚者
阻於戶外。此喻訓人
時刻備善功。得隨耶
穌入天國。否則閉門
而弗納。

耶 穌 與 宗 徒 濯 足



耶 穌 與 宗 徒 同 食
巴 斯 卦 羔 羊 食 間。
起 而 浣 濯 宗 徒 足。
濯 後 復 坐。訓 曰 我。
是 爾 等 主。爾 等 師。
猶 濯 爾 足。嗣 則 爾
等 當 效 我。彼 此 相
濯 足 可 也。

耶 穌 立 聖 體



耶穌特留聖體於世。以作我等神糧。故於受難前一夕。在巴斯卦筵間。取麥麵餅。降福而剖之。給與宗徒領。曰。此是我體也。又取葡萄酒。降福授於宗徒曰。爾領此。此乃我血。爲衆傾流以贖罪者。

耶 穌 山 園 祈 禱



耶穌領徒登山園。囑徒禱
於此。另携伯多祿。雅各伯
若望。稍離他徒。耶穌又進
跪一處。禱曰。父乎。倘必予
飲斯爵。請從爾意。時有天
神降。壯其力。耶穌苦愈甚。
禱愈長。汗如血。流地。即還
視三徒。徒亦憂且寢。喚曰。
醒禱也。免誘惑。言未畢。茹
答斯引衆至。起暗號拿之。

伯多祿背主痛悔



惡黨捕耶穌。進大司祭院。伯多祿後隨而入。集塔下僕役中焙火。有婦指伯多祿爲耶穌之徒。伯多祿曰。不識斯人也。前後三証。三不認。雞即鳴矣。耶穌回顧之。伯多祿憶耶穌前言。雞未鳴。汝三次背我。乃出院痛哭。

耶 穌 繫 受 鞭 笞



惡黨解耶穌。
人比辣多衙
署。縛之石柱。
鞭笞交加。全
體剝傷血流
不止。耶穌忍
苦。不發一言。

比辣多定耶穌死刑




比辣多審訊。不獲耶穌罪名。頗欲釋之。奈惡黨亂呼請釘。比辣多心怯。乃對衆洗手。曰。流茲義人血。與我無干。惡黨曰。罪歸我等。及我子孫也。遂判定釘死。

耶 穌 負 十 字 架 陟 山 受 死



惡黨以重大木十字架。迫耶穌。肩負往阿
里瓦山受釘。一路壓
跌。有聖母暨聖人聖
女等隨之。內有數婦
哭。耶穌曰。勿哭我。當
哭爾輩。及爾子孫也。

耶 穌 被 釘 十 字 架 上 死



耶 穌 被 釘。左 右 兼 釘
二 盜。左 盜 侮 主 不 悔。
右 盜 信 主 得 救。時 顧
聖 母 與 若 望。立 架 旁。
耶 穌 謂 母 曰。爾 視 爾
子。又 謂 若 望 曰。爾 視
爾 母。釘 自 午 正 起。迨
未 時 末。七 言 而 終。天
昏 地 震。慘 傷 萬 狀。有
卒 持 矛。刺 聖 肋。血 水
併 流。

墓石於耶穌葬



有富紳若瑟謁。此
辣多求准葬聖屍
尼閣德莫携香料
二人捧屍而傅之。
布裹葬於新石墓
塞墓門以巨石焉。
聖母與聖人聖女
等觀葬。

活 復 穌 耶



耶穌死後第三日。即七日節之首日。味爽聖女瑪達肋納及諸婦。全往觀塚。地忽大震。天神轆巨石離墓。坐石上。面如電。衣如雪。守墓軍士驚懼甚。形若死。天神乃謂婦女曰。主已復活矣。當往告其徒也。

瑪達肋見耶穌於塚間




維時瑪達肋見耶穌於塚外俯觀塚則耶穌已立矣。惟目不認疑爲園丁。待耶穌聲呼其名。彼方覺。遂喜而拜主。

耶 穌 授 伯 多 祿 以 統 理 聖 教 會 權



耶 穌 問 伯 多 祿 曰。爾
愛 予 較 勝 斯 衆 乎。對
曰 然 也。主 知 我 愛 爾
矣。耶 穌 曰。牧 我 羊 也。
三 問 三 對 均 然。夫 牧
者。執 權 杖 以 統 衆 者
也。羊 者。天 下 最 馴 之
物。以 喻 普 世 奉 教 人。
合 歸 一 會。一 牧 者 牧
之。

耶 穌 昇 天



耶穌復活後。屢見於門弟。詳論天國。囑曰。爾往普世傳教。凡我命爾者。宜教人遵行也。迨第四十日。領門弟。進阿里瓦山。舉手降福。離衆昇天。衆皆覩。雲接之。衆仍望。有二天神下慰曰。何復望。今見別爾升天之耶穌。其升如此。將來下降亦然。

聖 神 降 臨



耶穌昇天後十日。
門弟共聚一堂。聖
母在焉。天忽响。如
風大作。舌形如火。
光耀不焚。分顯各
人首上。滿受聖神。
能通萬國方言。勇
敢傳授聖教。

斯德望首致先命



斯德望被選。大行奇跡。且辯勝惡黨。彼誣以罪。執之至公會。時斯德望容若天神。侃侃言道。乃復仰天曰。我見天開。耶穌立聖父右。衆怒。逐之出城外。石擊之。斯德望禱曰。主耶穌收我靈魂。既跪呼曰。主乎。毋以此罪歸彼也。言畢致命。

保 祿 歸 化



初保祿原名修祿。殘害
聖教。奉大司祭命。欲盡
置教民於死地。途間。耶
穌光照之。諭召歸化。毋
得逆行。維時保祿懼。倒
地。雙目已瞽。耶穌訓往
亞納尼亞處。接手明其
目。自此勇往宣教。大著
勳勞焉。

宗徒集日露撒冷公會



維時。門徒分往傳教。
議論紛然。有謂必守
割禮者。有謂不爾者。
故集會於日路撒冷。
伯多祿曰。主選我輩
傳教。無本國外國之
別。均許賜聖神。勿強
行以試主也。遂大定。


萬 日 畧 皆 驗



西文萬日畧。即漢文謂福音聖經。聖經有四史。日瑪竇。日瑪爾谷。日露嘉。日若望。具記耶穌言行。苦難。復活。昇天。日後聖子降來審判。聖教會。傳遍普世等語。自此歷代繼傳。教皇總牧。皆承伯多祿位。統一教務。以至世末。超然天國。耶穌曰。天地可廢。吾言不可不驗。

聖地圖

又名
帕來斯提納



地中海

右

左

若依爾土

來河

死海

伯亞

亞利奈

高

刺

五三

六三

三

三

三

五三

瑪多項

六三

24

406005

